



ՀԱՅՐԵՆԻ ՀԱՐԱՋԱՏ ՀՈՂԻ ՎՐԱ

ԲՆԱԿԱՐԱՆՍԵՆ ԵՒ ՆԱՐԱՐՈՒԹՅՈՒՆ

Հայրենադարձների համար Կիրովականում կառուցվում են բազմաթիվ միահարկ ու երկհարկանի շենքեր 2500 քառակուսի մետր բնակելի տարածությամբ: Մինչև սեպտեմ-

բերի 1-ը այդ շենքերում տեղավորվելու է 120 ընտանիք: Մի քանի օրից հետո շահագործման է հանձնվելու շորս բնակելի շենք:



Արտասահմանից Սովետական Հայաստան վերադարձած հայերի համար նոր Զեյթուն, Կիրզա ավաններում, Կիրովի անվան գործարանի բանվորական թաղամասում, Քանաքեռի սարալանջում և մայրաքաղաքի այլ վայրերում կառուցվում են բնակելի բազմաթիվ շենքեր:

Բնակության համար շենքերն ունենալու ևս բոլոր տեսակի հարմարությունները: Միահարկ շենքերն ունեն տնամերձ հողամասեր:

Շենքերի մեծ մասը շահագործման է հանձնվելու այս տարվա աշնանը:



Մայրաքաղաքի Սպանդարյան Ռայսովետի գործկոմի շինգրասենյակը Միկոյանի պողոտայի վրա, Գետառի ափին, ճարտարապետ Հ. Կիրակոսյանի նախագծով կառուցում է շորս հարկանի բնակելի նոր շենք հայրենադարձ հայերի համար:

Արթիկ տուփից կառուցվող այդ շենքի առաջին հարկի միջին մասում տեղավորվելու

են զանազան խանութներ ու արհեստանոցներ, իսկ մնացած մասն ու հարկերը ունենալու են 2—4 սենյականոց 23 բնակարաններ՝ իրենց բոլոր հարմարություններով:

Կառուցման աշխատանքների վրա ծախսվելու է 940 հազար ռուբլի: Շենքը լրիվ շահագործման կհանձնվի այս տարվա նոյեմբեր ամսի սկզբներին:



Արտաշատի շրջանում բնակություն հաստատած հայրենադարձ հայերի բնակարանների կառուցման համար գյւղբանկը 1946—47 թվերին և 1948 թվի անցած ամիսների ընթացքում բաց է թողել 6 միլիոն

337 հազար ռուբլու վարկ: 1946—47 թվերին շրջանում կառուցվել և շահագործման են հանձնվել 395 նոր բնակարան: Այս տարի պետք է կառուցվի 305 նոր բնակարան:



Դիլիջանի և Գուլովինո գյուղի միջև ընկած գեղեցիկ վայրում հայրենադարձ հայերի համար նոր ավան է կառուցվում: Կառուցվող 35 միահարկ տներից 7-ը շահագործման կհանձնվեն մոտ օրերս: Պետությունը ա-

մեն տեսակի աջակցություն է ցույց տալիս սովետական նոր քաղաքացիներին կենցաղային բոլոր խնդիրներում: Տուն կառուցելու համար ամեն մի ընտանիքի վարկ է տրվում 30 հազար ռուբլի:



Ախտաչի շրջանի Աթարբեկյան, Ալափարս, Ֆանտան, Բժնի, Արզաքենդ գյուղե-

րում հայրենադարձների համար բնակարաններ են կառուցվում: Արդեն պատրաստ են

13 բնակարան, մնացած 12-ը շահագործման կհանձնվեն նոյեմբերի 7-ին:

Գյուղաբանկի շրջանային բաժինը հայրենադարձներին վարկ է բաց թողել տներ կառուցելու և կովեր ձեռք բերելու համար:



Հայրենադարձների համար Ստեփանավանում կառուցվում է 30 բնակարան: Քաղաքի հիմնարկ-ձեռնարկները շինարարությանը մեծ օգնություն են ցույց տալիս ավտոմեքենաներ տրամադրելով քարի, ավազի, կրի ու անտառանյութի տեղափոխման համար: Կառուցվող բնակարաններից 15-ը շահա-

Միայն ընթացիկ տարում բաց է թողնված մեկ միլիոնից ավելի ռուբլի:

Ախտա-Մաղկաձոր խճուղու վրա Գյումուշգէսի շինարարության վրա աշխատող հայրենադարձների համար կառուցվում է 40 բնակարան:

դործման հանձնվեցին: օգոստոսին, իսկ մնացածները շահագործման կհանձնվեն սեպտեմբերին ու հոկտեմբերին: Հայրենադարձների համար 52 նոր բնակարաններ էլ կառուցվում են շրջանի 19 գյուղերում. դրանք պատրաստ կլինեն տարվա վերջին:



Կիրովականի Քաղսովետը մեկ ու կես տարվա ընթացքում 253 հայրենադարձների հողամասեր է հատկացրել՝ տներ կառուցելու համար: Մարքսի և Շահումյանի փողոցների վրա կառուցվում են 9 նոր շենքեր: Մոտ ժամանակներս շահագործման կհանձնվեն զըլ-

խավոր փողոցի վրա կառուցված երկու երկհարկանի տուն:

Քաղաքի հարավ-արևելյան մասում հայրենադարձների համար կառուցվում են 180 տուն: 75 նոր բնակարաններում անցկացված է էլեկտրալուսավորություն և դրված են ռադիո-բարձրախոսներ:



Երկու տարվա ընթացքում Արևելյան Արեշում մեծ թվով անհատական բնակարանների շինարարություն է կատարվել: Այսօր հայրենադարձների 450 ընտանիք երջանիկ ապ-

րում են իրենց սեփական հարկերի տակ: Առաջիկայում Արևելյան Արեշը Երևանի օրինակելի և կուլտուրական մի արվարձանն է լինելու:



ՄիՄիԱՆ, 2 սեպտեմբերի.— Հայրենադարձների 30 ընտանիք ստացան նորակառույց բնակարաններ: Ավարտված են 48 հայրենադարձների համար բնակարանների

կառուցման քարային աշխատանքները: Շուտով կսկսվի նաև 29 նոր բնակարանների կառուցումը:



ՀՈԿՏԵՄԲԵՐՅԱՆ, 16 սեպտեմբերի.— Հոկտեմբերյան քաղաքում հայրենադարձ հայերի համար կառուցվում է երկհարկանի բնակելի տուն: Այդ տունն ունենալու է երկուսից-

երեք սենյակից բաղկացած 12 բնակարան, իրենց բոլոր հարմարություններով:

Տունը շահագործման է հանձնվելու Հոկտեմբերյան տոնակատարություններին:

ՆՈՐ ԿԱՄԱՐԱԿ ԱՎԱՆԻ ԿԱՌՈՒՑՈՒՄԸ

Երևանի Քաղսովետի գործկոմը, ընդառաջելով արտասահմանից հայրենիք վերադարձած նախկին կամարակցիների ցանկություններին, որոշեց նոր Զեյթուն և Կիրզա ավանների միջև ընկած տարածությունը հատկացնել նրանց՝ նոր կամարակ անունով ավան կառուցելու համար:

Մոտ 60 նախկին կամարակցիներ և ԵԱԲԲԲԵ կոշկակարական արտելում ընդ-

գրկված ավելի քան 30 տնտեսություններ, որոնք հայրենիք են վերադարձել Ֆրանսիայից, նոր բավանում կառուցելու են իրենց անհատական բնակարանները: Արդեն առանձնացված են տնտեսողներ իրենց տնամերձ հողակտորներով, տեղ-տեղ սկսված են կառուցման աշխատանքները: Շինարարական մասսայական աշխատանքները կսկսվեն մոտ ժամանակներս:

ԶԵՅՅՈՒՆ ԱՎԱՆՈՒՄ

1947 թվի գարնանը, Երևանից երեք կիլոմետր հեռավորության վրա, Քանաքեռի բարձրավանդակից ոչ հեռու, սկսվեց Զեյթուն ավանի կառուցումը: Այդ ժամանակվանից սկսած այստեղ արդեն բարձրացել են հարյուրավոր բնակելի գեղեցիկ տներ:

Ավանի շինարարության վրա ծախսվել է 7,5 միլիոն ռուբլի: Ավանում տեղավորվել են արտասահմանից հայրենիք դարձած մոտ 250 ընտանիքներ: Նրանք տներ կառուցելու

համար պետությունից մոտ 8 միլիոն ռուբլի վարկ են ստացել:

Ամեն մի ընտանիքի համար առանձնացված է 500—700 քառակուսի մետր տարածությամբ հողամաս — տան շինարարության, բանջարանոցի և պտղատու այգի տնկելու համար:

Նախատեսված է մինչև սույն տարվա վերջը ավանում էլեկտրական լուսավորություն անցկացնել, ջրմուղ կառուցել և դրպոց ու ակումբ բաց անել:

ՀԱՅՐԵՆԱԴՄՐՁ ԳՈՐԳԱԳՈՐԾԸ

Նոր-Քայագեղի գորգագործական արտելում հայրենադարձ Գ. Բազումյանը ձեռք է բերել արտադրական մեծ հաջողություն: Նա ամսական մեկ քառակուսի մետրի փոխա-

րեն գործում է երեք քառակուսի մետր էքսպորտային դորգ: Լավագույն աշխատանքի համար նա հաճախ ստանում է դրամական և այլ արժեքավոր պարգևներ:

ԱՐՈՎՅԱՆԻ ԺՈՂՈՎՐԴԱԿԱՆ ԳՈՐԳԻ ՎՐԱ

Ժողովրդական ստեղծագործության նշանավոր վարպետ, գորգագործ հայրենադարձ Մ. Աբելյանը մեծ լուսավորիչ նախադասությամբ Արովյանի մահվան 100-ամյակի առթիվ մի գորգ է գործել գրողի պորտրետով, որտեղ նախատուր Արովյանը պատկերված է Արարատյան դաշտի Ֆոնի վրա Վեբր շայաստանի»-ն ձեռքին:

Այս աշխատանքը աչքի է ընկնում գորգագործության բացառիկ տեխնիկայով:

Մ. Աբելյանը իր աշխատանքը հանձնել է Հայաստանի Ժողովրդական ստեղծագործության տանը: Գորգանկարը ցուցադրվելու է Խ. Արովյանի մահվան 100-ամյակի առթիվ Ժողովրդական ստեղծագործության տանը կազմակերպված ցուցահանդեսում:

ՆԿԱՐԻՉ Ռ. ՇԻՇՄԱՆՅԱՆԻ ԱՇԽԱՏԱՆՔՆԵՐԻ ՑՈՒՑԱՆՆԵՐԻ

Անցյալ տարվա վերջերին Փարիզից Սովետական Հայաստան եկող հայրենադարձ հայերի խմբի հետ Երևան ժամանեց նաև նկարիչ Ռաֆայել Շիշմանյանը: Չնայած դեռ մեկ տարի չի լրացել, ինչ Շիշմանյանը ապրում ու ստեղծագործում է Սովետական Հայաստանում, սակայն Հայաստանի Սովետական կերպարվեստագետների միությունը կազմակերպել է Շիշմանյանի աշխատանքների ցուցահանդես:

Հունիսի 29-ին Երևանի Նկարիչների տանը բացվեց այդ ցուցահանդեսը: Ցուցադրված է նկարչի աշխատանքներից 99 գործ, որոնցից 81-ը յուղանկար և 18-ը գրաֆիկական գործեր են:

Ցուցահանդեսի բացմանը ներկա էին մայրաքաղաքի աշխատավորության, արվեստի, գիտության բնագավառի աշխատողների, ինտելիգենցիայի ներկայացուցիչներ:

Բացման խոսք ասաց Հայաստանի Սովետական կերպարվեստագետների միության պատասխանատու քարտուղար Ս. Հովհաննիսյանը: Ողջունի խոսք ասաց ռեսպուբլիկայի ժողովրդական նկարիչ Գ. Գյուրոյանը նա ասաց, որ նկարիչ Ռ. Շիշմանյանի գործերից շատերը, ըստ իրենց կառուցվածքի, ավարտված ռեալիստական կտավներ են: Նա հույս հայտնեց, որ նկարիչ Շիշմանյանը Սովետական Հայաստանում կստեղծի նոր ու առավել արժեքավոր գործեր:

Այնուհետև շնորհակալական խոսքով հանդես եկավ Ռ. Շիշմանյանը:

Այցելուների ուշադրությունը գրավեցին հատկապես «Հին կյանքը», «Գետի ափերը անձրևից հետո», «Մովսես Կառնուկի ընդհանուր տեսքը», «Տեսարան բարձունքից», «Մովսեսի ժայռերը» և ուրիշ կտավներ: